

DOMINICA XLII.

Ex Quæst. 105. & seqq.

PROXIMI INCOLUMITAS SIT
nobis commendata.

TEXTUS Gen. 9,6. & 7.

Vers. 6. Qui effundit sanguinem hominis, per
hominem sanguis illius effunditor: quo-
niā ad imaginem suam fecit Deus.

¶ 7. Vos ergo fætificate & augescite: progignite
abunde in terra, atque in ea augescite.

QUÆST. 105. Quid flagitat Deus in sex-
to præcepto?

RESP. Ut proximum neque cogitatione, neque ver-
bis, neque gestibus, nedium factis, vel per
me vel per alium contumelia afficiam,
aut oderim aut lædam aut occidam. Sed
omnem vindictæ cupiditatem abiciam.
Adhac ne me ipsum lædam, aut sciens in
aliquid periculum conjiciam. Quocir-
ca etiam, ne cædes fierent, Magistratus
gladio armavit.

QUÆST. 106. Atqui hoc præceptum so-
lam cædem prohibere videtur?

RESP. Ad cædem prohibendam docet Deus se radis-

Qqq